

MARUNNE

Dikrihamnolin

Mitayu line Şimtho hathto bi hubo
DİKİTLE ALOHO LAŞANAYHKU

JOYCE MEYER

GDK

Joyce Meyer

MARUNNE
DIKRIHAMNOLIN

MITAYU LINEŞIMTHO HATHTO Bİ HUBO
DIKITLE ALOHO LAŞANAYHKU



GDK: 415

Kıthowo / Kitap:

MARUNNE DIKRIHAMNOLIN

İşme du Kıthowo Şerşoyo / Orijinal Adı:

Tell Them I Love Them

Kathowo / Yazar: Joyce Meyer

Mıtargımono / Çeviren: Turo Turoyo

ISBN: 0000000

T.C. Kültür ve Turizm Bakanlığı Sertifika
No: 16231

© Gerçeğe Doğru Kitapları

Davutpaşa Cad. Emintaş

Kazım Dinçol San. Sit. No: 81/87

Topkapı, İstanbul - Türkiye

Tel: (0212) 567 89 92-93

E-mail: yaybilgi@gmail.com

www.gercegedogru.net

Hıthomo / Baskı: Anadolu Ofset

Davutpaşa Cad. Emintaş Kazım Dinçol

San. Sit. No: 81/87 Topkapı, İstanbul

Tel: (0212) 567 89 92-93

Baskı: Mayıs 2019

MIHAWYONO

Tarco (Cutotho)	5
1 Aloho Kırhamkhu	7
2 Towono Khudu Mede	
Dıklozım?	15
3 İ Hubo Asıruthoyo	27
4 Hubo, Sabro u Haymonutho ...	36
5 Hirutho dımi Zuctho	46
6 İ Hubo Kımutyö Lıkul Noşo ...	54
7 İ Hubo dAloho	
Gımşahılfolhku	64
Mınaseyu Haye Hathe	71
Kathowo	74

Tarco (Cutotho)

I no kımhaymnono da noşe zıd me kul mede sıniqoyene li sıbartho dilonoyto dımıqqa Aloho kırhamme. Hkud mışıhayto hathe kılözım duwyo i şetesto da haye. Cali hubo dAloho latna sıniqoye li idactho du hawno, elo sıniqoyena li sıbartho. Hathte kiba dımitahıwyo mu ruho qadıšo bılhude. Kul mıhayımno i naqla dımıftakır camuqo cali hubo dAloho, u dhoze i hubathe ba hayayde, u bi meltho kıthuwto dAloho dıkorıkh cali sıbartho u mısale gımıtahıwyole.

Calabe fışıtoyoy dımaqıblına dAloho rıhımle bıırıtho hol hayo dımşader Mşıho dımoyeth. Elo i

naqla dıhatu lhude dıwetuwu cal
fotha dıbritho, zahme gıdwewo
dımıtyaqnıtu dAloho lhude laşa-
naykhu gımşader Mşıho lu mawto.

Hkud hıdo mışihayto bıthır ma
ışne dımafitili bıhusrono, fahimono
i hubo dAloho. Aloho bi wasita du
Ruho Qadıšo mawdacleli i hubay-
de. U hathe mıhalafıa a hayaydı
kulle, u halkhaydı dacme.

Kimhayımnono du mede dıqretu
bu kıthowano gıdbalhku hıızayto
hathto cali hubo dAloho. İ sıbart-
hathe gıturyo dımahısitı bıkfno
hatho. Melko kıbono lohu, lo
malzıtu bı qıraye dukthowano, ba
buhone dıhowalkhuyo mıcawnono,
u ba dafe dıhozıtu mathle mu
Kıthowo Qadıšo camuqo mıftakeru.

U kıthowano kımiqadem lokhu
bımakıkhutho, bı idactho dılatno
mede dılo mine, u kul mawhabtho
dıkıtlı cali mılhayde bılhude mı
towuthayde huwe hulelı.

1

Aloho Kırhamkhu

*“Mithe dıhaqqa Aloho rıhımle
bırıtho hule u abrayde u ihıdoyo.
Dıkul man dımhaymın ebe lıgmo-
yıth, elo gıdıwele haye dılcolam.”*

Yuhanun 3:16

Aloho kobıc iqartho, cal
hathe sımlelan a nacı-
mayde. Lo hkud a bobuse,
elo hkud a nacımayde kobac dıho-
wına. Aloho kobac dowına masre
acme, mısnodına ele, ruhminane u
dobına darbo dıhuweste dıroham-
lan. Kobac dımhaymnına ebe u
mıdhawılan sıniqutho motınane.

Kobac dihowele asirutho dilonoyto acmaykhu.

İ sagiyuthaydan kımaydina bir-wihutho u mathlo dYuhanun 3:16 u kummina, “in, kodacno dMşihō mayıth lashañ biritho.” Elo ahna latna gudo dınoşe dMşihō mayeth me hılofayye. Mşihō, ha bha laşan kul ha menan mayıth. Mşihō met-lothaykhu mayıth.

Dıwetuwo u barnosho lıhudoyo cal fotha dıbritho, Mşihō laşanaykhu lhudeste dıwewo naqla hireto gımathwo. Gımtahmalwo a haşanık kulle laşanaykhu. Huwe laşanaykhu mayeth! Aloho haqqa kırhamkhu. Kırhamkhu bıhubo dlatla harayto.

Yawmo qılcanwo radayto, Aloho blebi mırlē, “Joyce, hat i bobtho dıcaynihat!” lıdcanwo dıkıtyo u mathlano bu Kıthowo Qadışo. U şidoste darhal athi u komer, “hano latyo nısoyo du şubhoro? Mane khuşwıt ruhıkh?” Inoste mırlı lıruhi u meftakarlı, “lıklozım hawkha

meftakrono.” İ idactho dıkıtna dilonoye, sofqe u mışahılfe saqıbloyyo lu renyo du fagraydan. Kul ha menan, hkliq mBabayna laşan dıwena mışahılfe ma noshe dıhdorayna.

Ino kımıftakrono hani, Aloho mahwıleli surto cali athto dıkıtwa klitho sa habuşe bi şuqo. İ athtayo mıbahanla a habuşe kulle umınaqela u towo dıkulle. Bıthırste mhalakhla u azza dızuwnole. Bathe Aloho kımarlı, laşane ıno u habuşo towono. Dilonoytono. Hano lıkothe khud şıroro, elo Aloho hathe kımarla lıkul ha menan. Aloho lıkomır dıkıtıhatu calabe towe u anoşe kulle dıfayışı latne mede. Aloho komır dıkulayna dilonoyena. Hano kthıwoyo bu khabro dAloho u khabro dAloho laşan kulaynayo. Hatu i bobtho dcayne dAlohohatu.

Hayobto hızelı ruhi cal dımıftakarlı hawkha mıdone şafıre cal i nafşaydı u cal hathe lı mıdli lu

zuhoro u mede dAloho dıkobic dımarli. Bıthır bıtre yawme i naqla dıftıhli u mazmuro 17:8 mıdawmırono. A mathle dAloho mıreleli mıtamó madıqıwo u hayriwo ebi. “Khud bobtho dı cayno mı natarli, u tahtı du telolo da gefaydokh mastarlı.” “İn, bışroro Aloho yo dı komır hathe. Ino i bobtho dı cayne dAlohono.” mırlı lruhi. Zabno arikho kul dı mıftakarlı bathe, rıgışlı ruhi dılonoyto.

A noşe laşan dı mı rhomi, kafno qaşyo, swihutho cameqto u lhiqutho kito blebayye. Aloho khlıqlelan bi surtathe. Noşe calabe kı mıtyaqni dAloho kırohım bı rıtho u Mşıho, elo kıthyó casqo aclayye dı mıtyaqni dAloho kı rhamme. Mıqabıl dathe u mathlo dAloho kı molafıan, dAloho kı rhamkhu khud kırohım Mşıho. Hayrina bYuhanun 5:20:

“U abo kirohim lu abro, u kimahwele kul mede diksoyım. U rab ma cibodani gimahwele laşan hatu dımidawmritu.”

Aloho harke komır, “Ino bi wasita dMşihö kısıamno a cibodani a şafire u dırab maniste, lashan dımidawmritu.” (*u fuşoqo di kat-huwto*). Kudcitu dısađi basimoyo dıha bıqoro rabo dıfoyash mıdawmıro cal u mede dAloho kısıoyım?

A mathlani kıqrenanne, elo zabne sađiye lıkhözina u mede dAloho kobıc dısamlan. Aloho kobıc minan dıhözina a cibode rabe diksoyım bi wasita dMşihö u midawmrına u dummina, “Ya Aloho, mıqqa tımihoyo u mede dısmlokh bi wasita dMşihö!” Bıthır mathe kobıc dıqrena u mathlo dımrle Mşihö bYuhanun 14:12, “Şıroro şıroro kımar-nolkhu, man dımhaymın ebi, a cibodani dıksamno huweste gıs-

yamme, u zıd mani gısoyım, mithe dİno azolono su Abo.”

Aloho a cıbodani bi wasitath-kuste gıdsamme. Hatu cıbode dırab maniste gısaymitu, mithe dMşıho azze su Abayde. Kımhaymnitu bathe? Kımhaymnitu dAloho kır-hamkhu u bışroro bi wasitathkhu kıfolıh?

Yawmo Aloho hawhka mırlıe li: “Joyce, kul yawmo medone sagıye kısamno laşan a noşe mithe dıkır-hamnın. Elo bahaye lıkhzanne. Ha tufso lıhude gıdbenakh. Kul yawmo dıkmarno li şemşo “dnah”, hathe kısamna lashan Joyce, Betty, Jamie, (*harke kthawu eshmayhu*).”

Klayu u meftakeru bathe. İ şemşo kul yawmo lashanayhu kısulqo bi şmayo. İn, i şemşo! Elo ahna lıkhzenane mede ulsoyo. Kudcina dıkul yawmo di şemşo kıdunho. Elo hiyya laşanayhu kıdunho. U matro dıkothe bu zabnayde laşanayhu kothe. U talgo laşanayhu

knohit. Hawha Aloho sagi kırham-
hu!

BTenyon Nomuso 7:9 hawkha
kithiwoyo:

*“Ídacu du moryo Alohathkhu,
huweyo Aloho. Aloho mihaymno. U
kinotir u qiyomo u itaybutho la
ruhmayde u diknutri a fuqdonayde
hol alfo dore.”*

Gımakfinhu alfo dore dımayditu
i hubo dAloho? Hkud kırhozitu Alo-
ho latle harayto, u mawha laphku
mabtılıtule. Sagiye menan kırıf-
takrina dmabtelan Aloho ba fulho-
ne dılo makşarlan u nafılina bıne,
elo laybokhu saymitu mede haw-
kha. İ hubo kırbutlo; laybokhu tıre-
tu dAloho dılo rıhamkhu. İ hubo,
latyo mede dAloho kırsamlı. Elo u
mede dıkıtyo Alohoıyo.

Aloho kırıroım lu hatoyo saryo
dhol ocdo athi lfotha dıbrıtho wa-
law dıroyıq bıfothe dMşıho u do-

mir, “lıkbacno tımmede menohk; u sagi gımıfsahno dızzino li gihano.” Cal hathe, aydarbo kibe dırohım la mnaqye ulani dfriři lu nišo dAloho?

Hatu kowe dımmıtu “Ino maq-beli Mřiho llebi, u kırıhmalle”. Elo kımıřaylono lohku: *Mıqqa kımıtyaq-nıtu dAloho kırhamhku?*

Hathe sıbartho fıřıttoyo lařanay-hku: *Aloho kırhamhku*. Hathe i ře-testo dıklozım dımahıt Aloho lařan fıhımitu kul mede hreno.

Mın dıyulfitu ilafu, mıqqa dım-bahnıtu cal Aloho mıbahenu, ida dılo qıdritu maqıblıtu u řıroro dAloho dıkırhamhku lıkqudritu dmiřawřıtu hud u mede dıklozım. İ hubo dAloho dıkıtle alhku, i řetesto di haymonuthathku, i hiruthathku dımi hıtıtho u i tıřmıřto dıkmqad-mıtu la noře hireneyo. *Kımaqıblıtu i hubo dıkıtle Aloho lafelayhku?*

Aloho kırhamhku!

2

Towono Khudu Mede Diklozim?

“U sabro lıgtralhku bu darbo. Cal dıbi wasita du Ruho Qadıšo dıhiwo elan, i hubo dAloho kıfihko ba lebawothaydan.

“İn, ahna heş dılatwolan sabro [*heş dılatwolan mıkonno dımcadrına ruhan*] Mşıho, bu zabno dıkıtwo mıcayno mayeth laşan a hanfe (*mıhlofayye*).

“Noşo laşan noşo hireno zahmeyo dı moyıth, elo laşan noşo towo kibe dı moyıd lıqul cayne u mawto.

“Aloho bathe kımşarır i hubayde dılafelan; Ahna heş dıkıtwan hatoye, Mşıho mayeth mıhlofayna.

“Hawhka ocdo dimzadqina bu admayde (*dihkalisina, dihawina tirise u dimşarrina ba esore cam Aloho*), fişiqoyo dikhkulsina mu rugzo dAloho bi mıscoyuthayde.

“İda ahna heş dıkıtwan a bıceld-bobe dAloho, mışaynina acme bi mıscoyutho du mawto du abrayde, ocdo bu zoyudo fişiqoyo dahna mışayne bi qıyamto du abrayde gıdhulsina (*kul yawmo mu şultono di hititho gıhkulsina*).

Rumoye 5:5-10

Sagiye menan kımıtyaqnina dAloho kırhamlan cal dılık-qudrina saymina şuclonan tırise. Noşe sagiye lıkruhmi ruhayye, mawhaste kımotın lıkunoşo dAloho calabe lo kımaced minayye. Bısaqublo dathe u Kıthowo Qadışo komır, “u barnoşo manyo, dmayditle lquli cayno” (Mazmuro 8:4). Ahna a barye dAlohona bılhude. Aloho mithe dıkırhamlan kır-

hamlan. Aloho huboyo (1.Yuhanun 4:6)

Aloho kırhamhu, *hatu dilonoye-hatu*. Hathe kuthyo lu sukolo dkıt-hatu frişe u hdonoye. Lıklozım hatu dıwetu hkothi, u ıno duwyono hkot-hayhku. Atartaynaste dımjarbina dıwena hkud noşe hrene, sagi gmıhzonina. Me dsım u medano lha mede kmanfıc, fursoyo dmitawmır lu şıdo dlathatu towe hkud u mede dıklozım. Elo i sbutho duwyo Aloho, lıklozım dıwetu “calabe towe.”

Kay cal dıkıtwohku kamile Mşıho mıhlofayhku mayıth? Aw cal dıkırıhamwolhku? U Kırthowo Qadıšo komır, Mşıho rıhımlelhku hol hayo dımayıth mıhlofayhku, ocdo dımzadqıtu bu admayde kırhamhku sagi (Rumoye 5:8-9). Mşıho kırhamhku, hol hayo dıkımkase a faw-dathku a yawmoye. Mşıho kırhamhku, hol hayo dımcawanhku dımatıtu u yawmathku bıhaylo u zoh-kutho.

Aloho yawmo huleli tufso, cal aydarbo kîhoze a fawde u absirwot-haydan. Mıftakeru bınacimo dıkıt-yo cumre tloth aw arbac işne dık-hoze i emo dıkul naqla kısıaymo şuclo du bayto. U nacimano haqqa kule kirohım i emo, qoyım kımoyıd satlo dımaye u şuşefo nacımto u kothe qumi kawtho. Kımşare dı-mandıf i kawtho, bıthır kımoyıd kimo şuşefe u kımanşıf a kawe du bayto.

Men kul frus, bıdıkothe mi kawtho kıfoyiş saclutho u safono. Mıdzhalhku hathe fıriqhku dımidle i şuşefo towto u kıhirutu. Elo me dıcabır lawgul u bıqolo halyo do-mır, “Emi, emi, hıızay mandafli i kawtho. Laşanıhk mandafli. Kır-hamnıhk emi.”

Emo mlitho bhubo gıdummo, “sagi şafiro sımlohk. Tawdi sagi dımcadarlohk.” Bıthır me du naci-mo mışgım bımede hıreno bıduktho hıreto, gımandıfo u mede dımsa-

cele. Bıthırste gımzahrole dınaqla hıreto hawhka lo soyım.

Aloho mıreleli dıhuweste laşanan hawhka kısıoyım. Kul naqla kımandıf u mede dımsacelan. İda kısaymitu u mede towo dikothe midayhku, hano lihudeyo u mede dAloho kınotır mınhku. Aloho lıknotır dısaymitu mede dılıkmakfe u haylathku. İda hatu hadirehatu dımitu, “hat kino u tırısohat, ıno fawdono Moryo. Mınaseli, elo lo qadirono dımşahılfono”, huwe gıqodır dımşahlafhku. U gımşahlıfste. Cal dıkodıç dılo mı mıcadronuthayde hatu bıruhayhku laybohku dısaymitu tawtır.

“Hawo dımşadarle Aloho, i meltho dAloho kmıjıl. Mıthe dAloho lo bu kaylo hule i ruho.

“U Abo kırohım u Abro u kul mede mahıtıle bıde.”

Yuhanun 3:34-35

Yawmo dıkımbahnanwo u Kıt-howo Qadişo mıftakarlı camuqo cal u fetgomanu. U i naqla dıfahimono dAloho lo bu kaylo kıbelan i ruhayde mi fısihutho bahkyono. Aloho lıkbelan bılhude işmo manu, aw işmo mawo.

Bıdukthe dathe komır, “Kille, mıd kul mede dıkıtlı!” Adyawma kul nutfo du haylo u di hubo dAloho hadırtoyo laşanayhku dımıstacmlıtıla. Aloho kitle kul mede dıkıthatu sınıqoye u kobıc dımayditune. Qay? Mithe dıkırhamhku. Lıklozım dıwetü kamile. Mithe dılaybohku dıwetü kamile hkud kılözım laşan şowitu lathe. Lıklozım dıwetü şafıre sagi aw mıhawne sagi. Aloho kobıc dıbalhku hathe. Mithe dıkırhamhku.

Aloho hawhka komır bu kıthowo dTenyon Nomuso 7:6,7

“Mithe dhatu qadişe u noşe difrişitu lAlohohatu, Aloho mınaqelohku mıbaynothe da came kulle dkito cal fotha dıbritho, laşan dıwetule camo dilonoyo.

Aloho lo mınaqilelhku u rihimlelhku cal dıkıthatu bu menyono rab ma came hirene, elo hatu bu menyono noqıs ma came kul-lewohku.”

Aloho, mınaqıle a İsarloye laşan dıwalle camo dilonoyo. Adyawma ahnaste hkud cito, İsroyel ruhonoytona bışroro. Cal hathe u fetgomano, mıqqa dıkıtyo laşanayye, alhku laşanayhkuyoste. Aloho komır, “İno lımnaqılilhku cal dıkıthatu camo sagiyo cal fothe dıbritho.” Dımaydına u fetgomano cal ruhan hawhka komır, “İno lımnaqılilhku cal dıksaymitu kul mede triso aw cal dıkıthatu kamile.”

Aloho komır, bu menyono noqıs mıkulnoşene. İda hkıdwothihatu,

meqim me dıhkulsitu kımıftakritu
dıkıthatu biştir mıkulnoşe. Mqabil
dathe Aloho bu fetgomo da 8.
hawahka komır:

“Elo cal dAloho rıhımlelhku u
abıc dımkamıl u qıyomo dıhule
lıbabonayhku bitho caşinto maw-
faqllelhku mu bayto di cabdutho, u
mahklaslelhku mithe dFırcun u
malko dMısır.”

Hano mede dıkşowe dımıfsi-
hutho dımitazcıq! Aloho komır,
“Rıhımlilohk u mırılilohk dıkıthat
qadıšo. Mırılilohk dıkıthat dilonoyo.
Mınaqelilohk lo cal dıkıthat towo u
kamilo, mınaqelilohk mithe dırım-
lilohk. Kıdcitu Aloho mın kobıc
dısaymitu adyawma? Kobıc dımaq-
blitu u mayditu i hubayde.

Laşan sagiye menan u qetro rabo
dılıkruhmina ruhanyo. Lıkmhaym-
nina dAloho kırhamlan, u zıd mat-
heste lıkmhaymnina dınošo kırham-

lan. Kımıftakrina, “Aydarbo kibin rıhmili, ino baykanoyutho sagi biş-tono.” İda kımıtyaqnitu dıkıthatu bişe u lo şafire, i naqqayo hkud ha bišo u şhkiro gımıftakritu, gımıh-zoyitu u gımalthkitu. Laybohku dı-faytitu cali surto dıktıcnitu bile-bayhku.

U qıtraydi u rabo, dlıkruhmanwo ruhiwe. Bamo 75 du zabnaydi mınasyanwo dımhalfono ruhi. Mithe dıkmıftakranwo dıkmıjgılono sagi, mınasyanwo dıfayşono şatiqto. Bıthır mithe dıfayşanwo şatiqto, i ruhaydi cayqowa; kul noşo ibacwo dodic qay şatiqtono. Inoste mıftak-ranwo, “Hatu mırlohkuli dışagi kımıjgılono. Tırayu mini. Bılhude kubcuno dıfayşono şatiqto.”

Laybi dımahkyanhku kimo işne gırışli mu qetrano! Walaw fayşan-wo şatiqto, naqla hıreto mıfothe dılışoni ithewo gedşe bırışi. A noşe dıkrıhmi u mamlo, kımizawgi cam noşe şatiqe. Hawhka kımahwetu

mıqqa kmıjgılitu. U şido kul naqqa gımamte hathe libolayhku. Hatheste kmitawmarla cedloyo.

Aloho kobıc dilo cedloyo dıfayşitu hire. Elo i hirutho kılzamla haymonutho u cuzoyo. Kudcito, mıqqa dırıgşitu bıruhayhku dıkıt-hatu cdile rıgaşu, hano laybe dıforıc u timo dıha mede mıdsımhku? Mıdksaymitu mede fawdo, casqoyo dımhaymnitu dAloho kırhamhku.

Bu zabnano kule u şido kımote libolayhku dıkıtthatu bışe u şhkire u kısıfih aclayhku. Komır; “ocdo tayem şuclohk,” “Mın kıhuşwıt ruhohk? Aloho ba haye lıkmbarahklohk, noşo bışo u saryo. Ocdo lo fayış kibohk dısuhtıt lınoşe. U lo mede kibohk saymıt triso.”

Hanoyo u zabno diklozım dowıt gaboro u dımmıt, “Ya Abo ıno sımlı fawdo u bı wasita du admo dMşıho kıbacno menohk dışubqıtli. Me lebi kule kıtılabno dışubqıtli. Zohk marke Şido. Mşıho fırcle u

timo di hitithaydi.” Bıthır mathe bıfsihutho kibohku mıdawmitu bu darbathku. Elo hatu kımıftakritu, “İno aminoyith kısamno u medano.” İnoste mıftakranwo hawhka hol dıhalisono mi macbdonutho du cedloyo. *Mid lo margaşhku bicedloyo calu mede dısımhku, gitretu mu sıyomo du medawoste.*

U cedloyo kımacıq i ruhathku u kıtralhku taht tacno yaquro. Laşan ha dowe hiro mu rıgşo du cedloyo kılözım dowe gaboro. Kılözım dıwetu gabore, malhkitu bıhaymonutho u qaymitu dımmitu lo lu cedloyo. U şido gıdmarhku, “kımnasıt dımmit lıgmargşıt ruhohk lo towo? Bılhude kimo şoce kılözım hozıt ruhohk bışo. U mede dısımlohk bışoro bışowe.” Ha mede lıhude gımakfe dımfanetule, “Lo, kımhaymanno dılatyo hawhka. U lıgmargaşno ruhi bışo bi sıbuthathe.” A zabne qamoye dımnasitu

hathe casqe gıdowen, elo bıtır me tloth u arbac kore gıdyulfitu.

bEşacyo 53:5,6 u 11 kthiwoyo, dMşihio tıcınle a htodaydan i cedloyuthaydan. U şido lıkobıc dıwetu hire bi sıbuthathe. Lımune? Mithe i naqqa dımarğşitu ruhayhku cıdile, lıgkıdritu bışoro dımayditu tacmo mi hubo dAloho. U cedloyo kıfraşhku mAloho u hud şuro du farzlo kıcobır baynothayhku u lAloho. Laybohku hızetu Aloho Abo itha bıgawı dıriğşo dıcedloyohatu. Lıhude gıhzetu i hıtitho u cedloyo dıqamuthayhku.

Cıyaşu hire mu cedloyo u mıhaymeno dAloho i naqqa dımirle di taybuthayde gımakıfyo dımkasyo a hıtohathku şıro mırle. Aloho kırhamhku; i taybuthayde u husoyayde duşnene dılo furcono. Adyawma makbelunne!

Aloho kırhamhku!

3

İ Hubo Asiruthoyo

“Ahna mihaymanlan u adicina i hubo dAloho dikitle sidan. Mithe dAloho huboyo, u kul ha dıfoyiş bi hubo, bAloho kıfoyiş.”

1. Yuhanun 4:16

Aydarbo kiban durkina u fuhmina i hubo dAloho? Aloho mıqqa dırhamhku tro rıhamhku itha hatu lıgıdritu durkitu u fiimitula lathku yuthrono mina. İdicoyo alkhu mıqqa towo kımargşıtu biruhayhku i naqqa dıha mahwalhku hubo sagi. Kırığıtu biruhayhku sagi towe u mıyatre hud kıfayritu. Mithe dikudcito dınoşo kırhamhku. Aloho kırhamhku u

kobic dımahwalhku i hubathe. U kobic dikul yawmo mafititu zabno acme.

Kıthku hatu asirutho qınumoyto cam Aloho? Dıme zabno arihko halısitu, lıkothe lu sukolo dıkmibasmitu bıhawrutho catirto cam Aloho. Safrayto dıkfuthono caynothi u mede qamoyo dıkmıftakrono Aloho. U bıalyoste mıdkıdumhkono bu carso u mede haroyo dıkmıftakrono Aloho. U yawmo kuleste Aloho bıhawniyo. Layt bıbritho mede zoyıd me dıkubcono mışamşono u Alohaydi u marthiyale. Hano gışowe ditretu kulmede hıreno laşan dımtetule.

Kit hkalyutho bıleban bu dumyo dAloho, dbılhude dAloho gıqodır dımlela. Layt mede hıreno dıkrıhtıtu bıthre aw dıgraghkuyo dmole i dukthayo. Lırुhayhku kowe dımitu, “Ino kıdcanwo hathe, maqbeli Mşıho.” Elo kımaqıblıtu Mşıho bkul zabno, bkul yawmo, bkul

aykanoyutho? Kımaqıblitu i hubo dAloho?

Aloho kırhamhku u hatu dilonoyehatu laşane. Aloho hkıqlıelan laşan dıwena şawtofe acme. Hathe i fishuthayde i rabtho u i lhiquthayde dilo mumo dlaşan a hayathhkuyo. Kul safro mu trunus dide gımadıq u komır, “Brihk safro, kırhamnohk”

Naqla hıbartho mıdidi bu zabno dımsalyowa hızela hızwo. Hızela u Abo Şımayono bAmerika, kısocır a noşe dhatho mahıslın mi şantho ba botathe. Azzeyo la botathe dımıstawıd u soyım hawrutho acmayye. Gırışle kursyo si teblitho u yatuw. A noşe dilo kloyo azzen u athen. U ummiwo lAloho, “Bıthır. Ntar harke zabno karyo, bıthır mıdımkameli u fulhonano didi gmıjılono acmohk. Bıthır gsaymono hawrutho acmuhk. Bıthır Aloho, bıthır Aloho.”

Bi harayto du yawmo mıdhızela i claymtho dAloho hızınoyo kımıf-

rış mu bayto, leba mali haşo u kmirutho. U yawmawo noşo lathi dımıjgıl cam Aloho.

Lıwetu “şıgimoye bu zıyudo.” İtha lathku zabno dımsaletu u mafıtitu zabno cam Aloho, i naqqayo bu zıyudo şıgimoyehatu. Fıraşule lAloho u zabno dıklozım dımitule dıkrıhmitule sagı. Mıd kul mede athi u cabır u kul mede tayem star mu gıcoyo, bi harayto lıgfoyiş mede hreno bılhude Aloho. Nuqto! İtha hol u zabnawo lo kadırıtı bonıtı asırutho haytho cam Aloho, bi nuqtayo mışawhre fayışıtu dıbnetu asırutho. Hathe lı kobo sukolo dlıkızohku li malkutho, elo i fıshutho dıhoyıtı haye zakoye gızıyayo mıdothayhku.

Renyo kıbanhku, i şato kula mafetula bayo dıbetu fıurso lAloho dırhamhku. Foyış trayu mıd mhalhkitu bu haylo dı haymonutho dırıhayhku, trayu mıd mınasetu dıwetu a mhaymne dAloho malye haylo u

haymonutho. Hawu eşmo bıtlono lıkul mede u sumu hkud ksaymi a nacime. Bılhude sıłaku lısefe du Abathku u şmayono, u hawu furso lAloho dırhamhku. Laybohku dım-qadmitule i hubathku, dıbi qamayto dılobutule aftho huwe dırhamhku.

1. Yuhanun 4:16 hawhka kthiwoyo:

“Ahna mıhaymanlan (*msikena eba, knutrina i haymonuthaydan u tihkiloyena*) u adicina (*fahımina, kımaqıblına, kızızena u kırugşına*) i hubo dAloho dkıtıle sıdayna.”

Adsafro dımahıshku, mafıthku zabno dımıftakıtıtu dAloho mıqqa kırhambku? Gawonoyıth safro mıdkımahısitı, lıkwalthku lebo dısaymıtı mede. Elo kılozım mıharkıtı guşmayhku, bu nişano kılozım mıstacımıtıtu femayhku u mıharkıtıtu i

ithuthathku i gawayto u dıbetula
aftho dısaymo kul mede mıyatro.

Safro mıdqayımitu kılözım dım-
şaretu dımmitu, “Ya Abo, kımaw-
denolohk cal dıkırıhmatli sagi. Kımaw-
denolohk dımşadarlohk Mşıho
dımoyıth mıhlofi. Ya Abo, kımaw-
denolohk cal dıkıtno camu Ruho
Qadıšo. Kımawdenolohk cal du
haylo di qıyımtı kıcıoyış acmi. Ya
Alohaydi, kımawdenolohk cal dıha-
wino bıruktho lıkul duktho dazzino
adyawma. Alohaydi, hat kırırıhmatli.
Hat kırırıhmatli harke bu baytaydi u
nacimo. Hat kırırıhmatli! Ino u naci-
maydohk u dilonoyono. Ino i bo-
btho dııaynohkno. Hat Kırırıhmatli!”

Mıjgelu cam ruhayhku u mahesu
ruhayhku dıkırıthatu bıfalgı di hubo
dAloho u hınıqoye bı hubayde. U
Kırıthowo Qadıšo komır (Eşacyo
49:16) dıkıto i surtathhku ba kafe
didothe dAloho. Hathe dıkmarla
kibi mamtıyalla lıqul cayni, “Horu,
kırızetule? Oh, mıqqa şafıroyo,

latyo hawhka? Kırhamne calabe. Horu ba nacimaydi dıkıtne ba kafe didothi.” Kınıtarhku tamo, dıbkul zabno dothe libole dıkırhamhku u lihıqoyoyo dowe şawtofo acmayhku.

Lo ticeto dıweto mawdıyone qum Aloho, u mışawşıtıtu asırutho di hawrutho. Naqqat bi silutho kılözım mıhalqıtu ruhayhku cali arco u mawdetu lAloho dıhalısite. Naqqa lihude tırayu kulmede lihkasra, u rıhamu Aloho. Mıdawemu dıkretu 1. Yuhanun 4:16, 17:

“Aloho huboyo. Kul ha dıfoyiş bi hubo, bAloho kıfoyiş, u Aloho gıcoyiş acme.

“Laşan dıwelan libibutho bu yawmo du dino, i hubo mışalto bahna.”

Mıd adıçıtı dAloho kırhamhku kıwalhku libibutho; kımcawnolhku dımhayımnıtu bi zadikuthayde.

Bilhude i naqqa dıtretu dAloho dırhamhku kibohku mıtetu la burkotho kulle – haymonutho rabtho, zohkutho mikabil di hititho, hulmono, kuşoro u fisihutho. Elo ahna zabne sagiye dalqublo dathe kısıymina u kımıftakrina, “Elo, ino kilozım dıruhmono Aloho.” Inoste kımıftakrono dibi qamayto kilozım dıtretu dAloho dırhamhku. Lık mhaymnono, dıkudritu dımahwetu i hubathku dAloho, itha dıbi qamayto lıtretu dAloho dırhamhku.

Kibi dımmanhku dıklozım dıwetu hawrone cam Aloho, u mıqqa ulsoytoyo i hawrutho dcam Aloho, elo hathe aydarbo gısaymitula? İ naqqa dAloho mıreleli dısaymono hawrutho acme yatıwono u mışayeli, “Towo, ocdo mın kilozım saymono Alohaydi?” Hawhka! Ludcanwo aydarbo gıdsaymono hawrutho cam Aloho, mithe dıbu zabnawo hesh lıdcanwo bışroro Aloho mıqqa kırhamli.

İtha lıkımhaymınıtu da noşe dık-
rıhmınhku aydarbo kibohku dımah-
wetu a rıgşathku? Aydarbo kibohku
dıruhmitune? Gızaycitu dıhushwın-
hku sahkle. Towo gırugşıto biru-
hayhku baynothe da noşe dıkıdcito
dıkırıhmınhku u dıkımaqıblınhku.
Lıgawri kibi dımmono u saymono u
mede dılıquद्रono dımale u saymal-
le lınoşe hirene mithe dıkudcono
dıkırhamli. U medano hawhkayo
laşan Alohoste.

Mawhka mıhalequ fısocto u
sumu şuroyo hatho. Hawu furso
lAloho, huwe gıdmolafhku aydarbo
gısaymitu hawrutho acme. Ocdo
mışayelu u şuwolano lıruhayhku:
şalyo u mışaynono gab Aloho?

Aloho Kırhamhku!

4

Hubo, Sabro u Haymonutho

“Mithe bYeşoc Mşiho i gızurto ulo gızurto latne mede, elo i haymonutho dıkkumlo bi hubo.”

Galatoye 5:6

Sagiye mıneyna kımafıtına zabno sagi laşan dıwelan haymonutho. Mithe dıkudcina dılo hubo layban marthına Aloho (Cebroye 11:6). Cal hatheste kul naqqa kımnasena dıwelan haymonutho sagi. Elo i haymonutho bu leboyo u bilhude mıd hawitu basirutho dıkıtyo mılıtho hubo cam Aloho kibohku dımtetula. Ino laybi dımılfanhku i haymonutho, elo kibi

dımılfono a qonune di haymonutho u tıryono dımahisitu bıkafo calı sıbuthathe. U hawhka gıdwetu hadıre dısaymitu kul mede lařan mıtetula. İ haymonutho kuthyo bılhude bıgılyono mAloho.

Tırayu mıd fulhitu sađı dıwalhku haymonutho u marthetu Mřıho. Mafetu u zabno u camlano kule bu rıhomo dırıhmito Aloho. U yawmo kule mafetule bu rıhomo dırıhmitule u dıbetu furso dıhuweste dırhamhku.

“Mithe dıbi haymonutho kımhalhkına u lo bı hızyto [*a hayaydan u aduboraydan kımaksınanın bısabro u bıkařırutho mıqadařto lifuth i haymonutho du barnořo dıcam Aloho u cama medone dılalıl mu kıyono, hawhka kımhalhkına u kıhoyına*].”

2. Qorintoye 5:7

Í naqqa dıqıryanwo u Kıthowo Qadıšo Aloho mıřarele domır mathle lılebi. Ino kımnysono dımhalhkono bıhaymonutho. Bıkul fısocto da hayaydı kıbcono dımhalhkono bıhaymonutho. Hıd komır u Kıthowo Qadıšo ba Qorınthoye 5:7, ahna a hayaydan u aduboraydan kımıaksınanın lıfuth i haymonuthaydan dıkıtyo masırto bı asırutho dıkıtle u barnořo cam Aloho.

Bısukolo hıreno, ıno bılhude kımıaydono *řetesto lu mede dıkımıhaymnono ba esoraydı dıcam Aloho u kımıhalhkono*. Kıfıhımtu hathe? Nořo dıkımıftakır dılatyo tırıso, towoyo dıtoce dımhalıhk bıhaymonutho. U nořo dıkımıftakır dıkıtyo tılawco natınto baynothe du helo, u dık mıhaymın dAloho lıkırıhamle, towoyo dıtoce dımhalıhk bıhaymonutho. Noře sađı kımınasın dımhalhki bıhaymonutho, elo lebayye noqusoyo ma medone hırene.

Ba Galatoye 5:6 komır, i haymonutho bi hubo kıkımlo. Aloho mahatle hathe bılebi: “Kul noşo kımıftakır di melthathe kıthyo lu sukolo; itha dılı ruhmina a noşe hırene i haymonuthaydan lıgkumlo. Elo latyo bu sukolano. Bu şıroro, itha dılıkıdci mıqqa kırhamlın i haymonuthathe lıgkımlo.” İ haymonutho dilo hubo lıgkımlo. Hatheste latyo dırıhmitu a noşe hırene. Elo u furso dıbetu lAloho dırhamhkuyo.

Bathe kito furşono rabo. Tuhklono bAloho u haye bıhaymonutho u bıkul mede dowe u tuhklono acle. Hathe lıgmisomo itha dıludcitu du barnoşo dımqabıl dithku kırhamhku. Towtıryo dıtçetula. İtha lıkudcitu dAloho kırhamhku, ba hayye laybohku dımıthkılıtu acle.

İtha bışroro dıdcituwo Aloho mıqqa kırhamhku, gıdnuqsowa i casqutho dıgurşitu bu kirohko dıcal u hulmono. U kirohko dımkamlitu

a sınıqwothathku a momunoye gıdnıqaswo.

İ celtho dılıqdritu mayditu hatheyo, cal dıbışroro lıkımhaymınu dAloho kamilo gıdbelhku. Kibohku dımmıtu, “Kıbcıno dımhaymıno, elo aydarbo kibi dımhaymıno lathe?”

İ hubo dAloho acmayhkuyo bılhude u mede dıklozım saymıtu i naqqa dAloho mahwalhkuyo rıgşı-tula. U Kıtıhowo Qadıšo komır, “Kılozım ruhmina Aloho, cal dıhiye bi qamayto rıhımlelan” (Yuhanun 4:19). Dılo mıtahwewolhku sabro calu şıroro dıbi qamayto Aloho rıhımlelhku, latwa mıkonı dıhatu rıhımtu Aloho.

Kul mede ba cumqe dılebayhkuyo. Tamoyo! *Aloho kırhamhku! Dılonoyehatu! Şafırehatu! Yaqırehatu!*

Sagı şafırehatu! Aloho kırhamhku! Ulo yawmo noşo cal fotha

dıbritho gırhamhku hkud Aloho rıhımlelhku.

Hatu lathku *sınıqutho* lıtınoso, elo Aloho gıdbelhku noşe hirene ba hayathku. U şıroro hanoyo, dılıwe nošo sıtar menhku u mAloho, a hayathku towe gimhalhki. Aloho gıdowe u hawrathku u towo. İtha lathku zawgo Aloho lıgtırelhku lırıhayhku. İtha lathku emo u babo huwe gıdowe emayhku u babayhku.

Aloho hawhka sagı kırhamhku. Calhathe kibohku laşan kul mede mıhayımnıtule. Hathe kula kırhamhku, u bathe gıdıdcıtu dıhuwe kobıç dımtetule. Hol dılıdcıtu dAloho kobıç dımtetule, lıkwalhku haymonutho makıfyonıtho dımaydıtu u lo mede.

İ haymonutho kıkımlo bayo dıbetu lAloho aftho dırhamhku. Lıgkımlo dızzohku dırıhımtı noşe hirene. Hawu furso lAloho dırhamhku u yawmo kule maru lAloho, “Alohaydı, kıdcono dıkırıhmatlı.

Tawdi lMoryo! Abo kımawıdyalohk. Kımşabhono ıřmohk.”

Smith Wigglesworth, izgado rabo dAlohowe. Nořo mıřayılele itha kımafet zabno sagi bi slutho aw lo. Huweste hawhka mıfanele, “Nokusoyo dıkımsaleno sılutho zoyıd me 30 qatinotho. Elo bıcayni zabnoste noqusoyo dıkmafitno 30 qatinotho dılo sılutho.” Naqlahireto mırlle, itha dımafitno zod me hamřacsar qatinotho dılo asırutho cam Aloho, kılözım tıyabno.

Ahna kımnasena dısaymina u řuclo bıhefko. Ba fulhonathku laybohku tıretu dowe u medano. İ celtho dAloho dıgımbarahku, mithe dAloho kırhamhkuyo. Hathe gıd-belhkuyo hkud hulelhku u furqonathku.

İtha dılo kıdritu dımahılsitu farsufo mi iqarthathku aw nořo hıreno bu camlathku. Hawu furso lAloho dırhamhku. İ naqqayo mıd hızalhku a farsufe di iqarthathku gıdwetu

hadire dırıhmitune. U Kıthowo Qa-dišo hawhka kımarhku, mıd rıhminhku u tıretu mıd mınasetu dıqnetune ba melathku u ba darbonathku a mızayne, gıdgırşıitune İMşıho. İ ruho dAloho, bi mıscoyutho di hubathku gıdguršo i iqarthathku lıruha. Elo bi qamayto kılözım tıretu dAloho dırhamhku, dılo laybohku dırıhmitu noşe hirene.

Ba Efesoye hawhka kthiwoyo: “Mithe dıbi taybuthayde hawılan furqono bi haymonutho. *(bi taybutho dAloho dılg şowituwola).*” Kıdcitu dılıksayıtu mede laşan dıhkulsitu? Bu zabno dMşıho dımahlaslelan baykanoyutho sagi bıştowan, u hklosaydan latwole asırutho cama cibodaydan a towe. Laşan ha mede lıhudewe: “Mithe dıhaqqa Aloho rıhıme bırithe hule u abrayde u ihidoyo. Dıkul man dımhaymın ebe lıgmoyıth, elo gıdıwele haye dılcolam” (Yuhanun 3:16).

İ taybutho bıcayni zabno kiba mışroho u sebyono dAloho dıhuwe kımkamıl i sınıqutho da hayathku kula bi rabuthayde. Aloho hkud hulelohku haymonutho dımakıfyo dıbi taybuthayde hkulsitu, hawhka mi hubayde gıdbalhku haymonutho dımışarritu dıhuweyo u manihonathku. Kıbalhku haymonutho laşan dımışarritu dıhuweyo dıkbalhku i sınıquthathku.

İtha i haymonutho dıhule laşan i hiruthathku makfıyonithowa dımahklısolhku mıkulle a htohathku, i haymonuthayo bılebayhkuyo laşan ba hayathku kulle dımkamlo i sınıquthathku. İtha kımıtyaqnıtu dAloho kırhamhku u mışarelhku dıdcıtule bışroro, i naqqayo bışroro gımşaretu dımıthkılıtu acle. Gıdurkitu i şarırutho di meltho dAloho. *Gıdudcıtı* dAloho lo naqqaste gımdağıl acılayhku, mıthe dıkırhamhku.

Lıfuth u Kırhowo Qadışo, “haymonutho” “uqnumo noşoyo kule

dıkıthku bıtuhklono rabo dımısmıhkle [*lAloho*], lu haylayde, li hehkımthayde u li towuthayde” (Kulosoye 1:4). Mıd huwhku furso lAloho dırhamhku, hatuste gıdyulfitu dırıhmitule u dımıthkolitu acle. Bıthır mathe gıdwelhku haymonutho.

Aloho Kırhamhku!

Hirutho dımi Zuchtho

“Zuchtho bi hubo layt [*zuchtho u qento layto*]. İ hubo kamılto [*dilo mumo*] kımhalqo [*kıluhyo i zuchtho*] i zuchtho larwal. Mithe di zuchtho ciqutho du dinoyo. U hawo dızoyıc latyo kamilo bi hubo [*heş lo mati li hubo dilo mumo*].

1. Yuhanun 4:18

Gavonoyith, thkiloye dAloho kırhamlan, u mıhayımne acle kımhalhkina dilo qetro bu darbaydan. Bithır bıhdo naqqa mede kısıfıc aelayna.

İ aykanoyuthoyo dıkgunvo i haymonutho. A mıdone bışe dıko-thın bırişanne. Lıkgırşıtu casqutho

sagi bi haymonutho dAloho kírhamhku, hol u zabno di aykanoyutho dímahıwyo hkud líkírhamhku.

Bıthır u şido gıdothe dífraşhku, bi zuchtho u cedloyo, mu mede dígsamhku -i hubo dAloho- hire. Gıdmarhku, “Lathe mın gıdímmıt?”, “Bu híşowaydi Aloho rıhamwo-lohk. İ naqqayo qay kothe mıdone bışe bırişohk? Kımahwe sımlohk mede bışo. Bışroro Aloho sagi qıhroyoyo menohk.”

Bıthır mathe gımsakritu u tuhklonathku díqum Aloho. İtha hatu lígmıthkılıtu Aloho laybe dímcadarhku. İtha lo kudcitu dAloho kírhamhku, laybohku díwetu malye tuhklono u haymonutho. İtha dímaqıblitu u tacno di zuchtho u cedloyo díhule u şido, laybohku dídcitu Aloho mıqqa kírhamhku.

Hawhka kthiwoyo b1.Yuhanun 4:18: “... i hubo kamılto kımhalqo i zuchtho larwal.” Ino laşan fuhmono

u mathlano miftakarli camuqo cala-
be. Bi harayto yawmo Aloho mifa-
şaqleli u sukolo du mathlano. İ hu-
bo kamılto kımhalqo i zuctho lar-
wal. İ hubathe i kamılto Aloho yo.
Mıd fahimitu i hubayde dılafelay-
hku mıqqa dılo mumoyo, gıdhızetu
dılayt mede bıbrıtho dıkıbe dıma-
zıchku. Layt mıkonon dızaycıtı ıtıha
mıdhku gelyono dılonoyo mAloho
dıkırhamhku.

İtha kıdcıtı dAloho kırhamhku,
layt mıkonon dızaycıtı dılıwetü kaşı-
re. İtha kımıthkılıtu cal Aloho lay-
bohku dılıwetü kaşıre. Ha mede
kibe samhku lo kaşıre, dımısmıh-
kıtı u mıthkılıtu cal ruhayhku. İtha
kudcıtı dAloho kırhamhku, lıgzay-
cıtı dılıwetü kaşıre. İtha kudcıtı
dAloho kırhamhku, lıgzaycıtı
dımışotıtı.

İ hubo dAloho rabthoyo sagı,
kiba mıkasıyo kulmede. Kırışwıtı u
Aloho dımahlaslelhku u sımllelhku
hıre gımhayabhku? U mıhaybono u

şidoyo. Aloho gımarthalkku u gımahwalhku darbo dunfoqo mi hıtıtho dibahayathku. U şido gımhayabhku u gıdmarhku dilayto darbo dunfoqo.

Bu Kıthowo Qadışo hawha kthiwoyo:

“Zuchtho bi hubo layt [*zuchtho u qento layto*]. İ hubo kamılto [*dilo mumo*] kımhalqo [*kıluhyo i zuchtho*] i zuchtho larwal. Mithe di zuchtho ciqutho du dinoyo. U hawo dızoyıc latyo kamilo bi hubo [*heş lı mati li hubo dilo mumo*].

1.Yuhanun 4:18

Noşe sagiye kımıftakri du Kıthowo Qadışo komır, itha dırıhmituli hkud kılözım i naqqayo lıgzaycitu meni, aw dırıhmitu noşo sagi i zuchtho gıdnıfıqo ma hayathku. Elo u sukolo du mede dikomır u Kıthowo Qadışo latyo hawhka.

U sukolayde hanoyo, mıdıbetu furso lAloho dırhamhku i naqqayo foyış law gızaycitu. İtha lıkıbcitu dowe zuc tho ba hayathku, hawu furso lAloho dırhamhku. Mudu u maqbelu i hubo dAloho dıkıtle alhku. Ocdı, sumu hathe! Bıhaymonutho mıfşetu u mudu kula i hubo dAloho dıkıtle alhku.

Bıthır mıdhuleli Aloho u gılyonano di hubayde kımhalqo i zuc tho larwal, lazım dımanhıtalla la haye. Bı rathaytaythan kıtıwo qetre. Mıftakrinawo du transmısyon di rathaytaydan haruw. Dılo cawdowa u zıwono dıha hatho gımsakwo arabacmo aw hameşmo dolare. Latwolan haqqa zuze. Mawhkaste mıdawamlan dımıstacımınlıala hkud kıtıyo.

U safrawo Aloho kımardı, “Joyce, lıhude u yawmo kule rıhamlı u haw furso dımafıtnıhk lu cıbodo. Lıklozım saymıt mede hıreno. Lıklozım dowıt attho more

dıhaymonutho sagi rabtho. U mede dıklozım dısaymıt dıruhmatli u dıbatli furso dınoste dırhamnıhk. Kul zabno. Hawli furso dırhamnıhk.”

Cal hathe maqweli ruhi bi haymonutho, kıthuwli sılawotho hathe u zımırli sılawotho lAloho u zabno basimo mafitanwo. Bıthır bıhdo naqqa şamıcono dıgawri si radaytoyo. Elo lawiwo 45 qatinotho dazzewo lu cıwodo! Fıtıhle u tarco u mırlı, “Lı qadıno mofaqno i radayto mu mısarhbo qamoyo. Kılözım dımoblinala lu tuqono.”

Sıhkırli u tarco u mışareli dıguh-kono. Hano latwe mede dıhuli fusqono dısaymono. Hawhka hawı. Hawhka athi mı ruhaydı. Alohoste, mahwılelı i celtho dıkadırono gıhkono, mıthe dısafro kule hulıle furso dırhamlı. Mıd huwhku furso lAloho dırhamhku, gıfotıh u tarco dızaydo i haymonuthathku. Mışa-

reli dıgukono u hathe i haymonuthowa.

Abrohomste bıhaymonutho gahıkwo. İ naqqa dAloho athi u mırlele dıgdıwele abro, Abrohom gahık u mırle, “Şubholhk! Kımhaymanno bathe.” Elo Sara gahiko bıkeşlo u lo haymonutho. Aloho mıtarsole, elo lAbrohom lı mırle mede. Lı kıhir cam Abrohom cal dıgahık. Mithe du gahkayde bıhaymonuthowa.

Mıd athılhku u mede dıkobıc u şido dısoyım bohku sahklo u batilo, u hatu mithe dıkudcito u Alohatkhu sagi towo hathe lıgmazıcolhku, bıhaymonutho gıgıhkito. Kıdcito dAloho kırhamhku u huwe gıdşore u qetrano.

Ino gahıkto calu qetro du transmısyon, Aloho bışalyutho elo bıqollo qawyo mırle lılebi mede. Tıloth kore mırleli, “Joyce, itha dıhoyat hawhka acmi lıgtıreno ba haye dınıflıt bışudolo.” A melani hud

mışmıcıwo bıgawe du baytaydi.
“Lıgtıreno ba haye dınıflıt bışudolo.
Lıgtıreno ba haye dınıflıt bışudolo.”

Mıd huwhku furso lAloho dırhamhku u hatuste dırıhmitule, i naqqayo kibohku buhaylathku rıhtıtu. Bılhude Aloho dırıhmitu, udıbetule furso huweste dırhamhku, huwe gımdabır. İ hubo dAloho bılebayhku gıdquwyo u gıdmıhalqo kula i zuchth larwal.

Aloho Kırhamhku!

6

İ Hubo Kımutyo Lıkul Noşo

“ ‘Kul ha dırohım lAloho, lahu-
neste [*mıhayımno*] kılözım rohım.’
Hanoyo u fuqdono (melko, tışmı-
to) dımıdlan mı Mşıho.”

1. Yuhanun 4:21

Hatu u abıro ihidoyo dAlo-
hohatu. Aloho mıfaşaqla
hathe lohku bu kıthowo
dTenyon Nomuso 7:6. Mıd mışaritu
dısaymitu hawhka, hathe gımşaryo
dımsahılfo bıritho. Bıfotho gahıkto
gıdızzohku li şuqo, u gımayditu i
radayto du şıqolo bıdayhku u
gıdımmıtu, “Kul mede dıkmadno
kımıqadış. Şubholohk! Adyawma

mithe dıkıtno harke a noşe dıkıt bi şuşathe kulle kımıbarhki. Şubholok!” Zımaru u maşrequ bi şuşo i naqqa dıkurhkitu, lıkul duktho dız-zohku kırakhu hud noşo dilonoyo.

Mıd mışarelan dudcina mıqqa dilonoyena u mışarina dımahwena dAloho kırhamlan, i naqqayo kiban mışarena dıqnena bıırtho laşan Mşıho. İ hubo hkud nuro dılıkmitakıyo gımıbarbızo. Elo layt yuthrono itha dummitu dıkıthatu mşihoye u mazıçıtu cal kul noşo. Kımmitu, “İno Mşihoyono, İno Mşihoyono”, elo mıdnafıqo radayto kamuthayhku, “O lowıt sahklo, mel mı qamuthi. Lo kudcıt dıklozım dızzino li cito? Gıdfaşno mışawhıro mu kınuşyo, sahklo” kımmitu.

Naqqawotho mıdone dıhkudani kısaymına. Hadırehatu dımaydıtu zohkutho? Bi ruhathku mıştehu u mudu i zohkutho u maru, “Şıdo, zabno yarıhko mıdabarluhkli ba dugle u bi zuchtho. İno barnoşo dılo-

noyono u mithe dAloho kırhamli bışme dıMşihö gımadno zohkutho. U hat Şido laybohk saymıt u lo mede laşan dımaklıtli.”

İ hubo dAloho dıkıtyo bılebayhku gısaymolhku hire mi zuchtho u lo gızaycitu dımıtetu la noşe bihubo. Mşihö kobıc dımıtyaqnıtu lu mamro dımırle mithe dazze su Abo bi wasıtathu gısoyım cıbode rabe. Şıroro kımıtyaqnıtu dAloho kımacıbıd bohku? Aloho gıdbalhku u mede dılaşane kımhaymınıtu buwe. Lıklozım dızaycitu dımılhkıtu.

Laybi dımmono kımö kore bısapthe du şıqıfo di haymonutho, kılitho bi qurnıtho meqım mıdsaymono mede mazıcono Aloho mırleli, “Ocdö Joyce ocdö. Bi mıscöyuthaydıhk gısamno medone rabe. Ocdö!” İnoste dılo kılöyo nahıtöno lıfalgeyye. Aloho naqqaste lo tırıleli bışudölo!

Kudcıtö i celtho qay dılıklozım maşıköno bıqıntö dılo makışronö

mid kımhalqono fisocto? İ celtho, dıkudcono dAloho kırhamliyo. Aloho kırhamli, u kodıc dınoste kırıhmalle. Bi taybuthayde nıdırlile a hayaydi. İtha sımhku hathe u kırırıhmitu Aloho u Alohoste kırıhamhku, i naqqayo layto bıbrıtho qıtro dılaybohku şıretule.

“Man kibe dıfraşlı mı hubo dMşıho? Cıqutho, aw hıbuşyo, aw tırotho, aw kafno, aw zalto, aw zuchto, aw sayfo?”

“Khıd kıthıw, ‘Laşano hk kul yawmo kımaythına, hkud a fare lu nıhoro hışıwına.’”

“Elo bani kulle zakoyena bu haylo dawo dırhımla lan.

“U kıdacno dılo mawto ulo haye, ulo malahke ulo şultone ulo haye, ulo hani docdo ulo hani dıgdothen, ulo cılyo ulo cımqo, ulo bıbrıtho hıreto kiba fıřsoli mı hubo dAloho dıbMoran Yeşoc Mşıho.”

Rumoye 8:35-39

Kowe dılıwalhku idactho bi sibutho dımıqqa Aloho kobıc dıwetu hire. İ naqqa dıkwetu kımıroye Aloho kıhoyıř. Yawme kıwetu bıruho lo basımtı. Cal ayna yawme kımmono kudcıtı? Kımhetu rafso lı qatın, kımazıqcıtı cala nacıme, kıcyaqhku ma řıbobathku u bıfothayhku kıtı hıızayto saqıbloıto. “Kule kıfılahno, kıfılahno u kıfılahno u lo nořo kımıyaqır u medano.”

Kıdcono aydarbohıtu, mıthe dınoste sımlı hawhka. Mıd athen a tıloye lu bayto kımıftakrıtu, *kay mıhlıf řıwac řoce, lı gıfayři arabasar řoce bı madrařto?*

Kıdcıtı dıhano kobe hařo lAloho? Lıkımjarbono dıturyono dımargıřıtı ruhayhku bıře. Bılhude kımınyono dıfıhıtı, ıtıha dıkıdrıtı dımhaymıtı dAloho kırhamhku, gımřarıtu dıbetu funoyı lı hubayı, bıthır ı hubayı gıdmulyolhku u gıdřufco cala noře dıhıdorayhku. Gıdwetu hire lařan dııurthıtı u fıro

halyo di taybutho u diwetu nošo dıkmırhım.

Mıd hıdınhku u şıroro dAloho dıkırhamhku, gıhzetu hulmono, u kuşorathku gıdzoyıd ua sınıqwot-hathku gıdmıkamli. Cal mune? *Mithe gımşaretu diwalhku niyoho.*

U şerşo di celtho dAloho dılıko-dır dobe a tayıbwoto dıkobıc dıbelın, mithe dahna lıknutrına Aloho u kımnasına dıbu haylaydan maydınalın. Aloho, kobıc bılhude dıside dımıthnohına, u huwe ruhmina. Kobıc dıbetu fısoo dırhamhku, u dımağıblıtu i hubathe.

İtha noşe rahomehatu, u Şıdo laybe makle a tayıbwoto dothın acılayhku. Mithe dırıhımtu gıdbetu. Laybohku dırıhımtu u lıbetu.

Hawhka komır bTenyon Nomuso 7:6: "...Alohaydan mınağılelohku mıbayn da came kulle dıbrıtho laşan dıwetule camo dılonoyo." Aloho qırılelohku. Ocdo u fulhonathku u ulsoyo kowe dowe bu

baytathku cami iqarthathku. Elo Aloho qırılelohku. İtha bışroro kıbcıtu dAloho mıstacmalhku, Aloho kibe mıstacmalhku. Elo bı qamayto kılozım dımahtıtu i şetesto. Kılozım dıdcıtu dAloho kırhambku.

Lı mıfıqıtu u haylathu u ruhonyo kule calı nafşathku u dımnasetu dımkamlıtu a sıniqwothathku. Mın dıkıbcıtu marule lAloho karyo u fışıto, u bıthır mışawşetu i haymonuthathku laşan mıkamlıtu i sıniqutho da noşe hırene. Mşıho, laşan dımoıyd haylo dımkamıl a sıniqwotho da noşe dathın dışumcile mısalewo u kırahkwo cal fothe du Abo.

Bıthır maşmacwole i sıbartho, mahıtwo itho aclayye, hınneste hıwanwo sohde la tedıthro. Lı yıtarwo u nıtarwo bıqurnıtho laşan a mıdone dıhuwe ıbacwo u mıhaymanwo bAloho. Kılozım dımtıtu lAloho u mede dıkıbcıtu. Elo hano lıklozım dowe hkud “tıbli-gıdo-

we.” İ şetesto da hayathku kılözim duwyo dımkamlitu a sınıqwotho da noşe hirene.

İ kahinutho şarirto, dımifaşqo tırıso, u haylo dıktore dımihaşih kul mabco dAloho laşan i sınıqutho duthyo bıqamuthayhkuyo. İ hubo dAloho, gıdobalhku furso dımahtitu a sınıqwotho da noşe hirene bu dar-go qamoyo. Kımıftakritu dAloho kırhamhku hol hayo ditore dırıhmitu a noşanık dılatyo fışıqo u rıho-mathe, u lıkımyaqri u lo mede?

Lıklozanhku tacbo sagi laşan rıhmitu noşo dıkırhamhku. Hano latyo mede casqo. Kul hatoyo kibe soyım hathe. Elo i naqqa dırıhmitu a noşe dılayto mıkonno dımırhomi, gımdawmitu bu darbathku u gırıhmitune. Gımdawmitu dırıhmitune. Bi harayto i hubo dAloho gıdmışa-hılfolın.

Hano kibe dımdawım şato. Kibe mıdawım hamış ışne, kibe mıda-

wim hamış u cısri işne. Elo gışowe
lu medano! Mşıho mıqqa natırhku?

Aloho kırhamhku u kirohim
kulle a noşanık dıkito hıdorayhku.
Dıbce tırıdowın hkalise, dıbceste
tırıdowın hatoye, kırhamme u kobıc
dısamhku sefoqo laşan dıqodır
dımahwe i hubayde.

Lı zaycitu dımhalqıtu fısocto. İ
hubo dAloho gıdsaymolhku hire mi
zuctho u mu cedloyo. Aloho hulel-
hku sufqutho dırıhmitu. Hıwayu
mışarre dıfursıtu i hubo dAloho. U
sumula i tışmıştathku dımhalhkitu
hud hawrone cama noşe, u hıwayu
bıruktho la ahunonathku dıbıMşıho.

Mızamenu a noşe li hışamto.
Mızamenu a noşe lu baytathku.
Hawu şılomo la noşe u *gıhahku*. Kit
mede dAloho kobıc dısaymitule.
Aloho kobıc dımıstacmalhku zıd
mikulle a bırayo dıcal fothıt dıb-
ritho.

Kit nošo dıbılhude hatu kibohku
dımşamşıtune. Nošo hıreno zıd

mıneyhku laybe dımtelın. Tılabu
mAloho dımahwalhku a darbone
dımtetule bi hubayde; gıdmolafhku.

Aloho Kırhamhku!

İ Hubo dAloho Gımşahılfolhku

“Latyo dahna rihımlan Aloho, elo huwe rihımlan, u mışadarle u Abraythe husoyo (debehtho dıhusoyo) lahtohaydan. Hatheyo i hubo.”

1.Yuhanun 4:10

Aloho kırhamlan, elo kım-
hayımnono dısagiye menan
lıkfihmi i hubo dAloho
dıkmahe bu zabno dıkırhamlan.
Ba fulhone dısımli bi sibuthathe
Aloho mahwıleli, bu cumqo di
ruhaydan bışroro dıdcinawo mıqqa
kırhamlan, gıdwenawo noşe sagi
mışahılfe mu mede dıkıtna ocdo.
Sagi camuqo mıftakeru bi hubo

dıkitle Aloho lafelayhku. Hanoyo u mede dıgımşahlafhku. İtha kit mede dılığşofarhku bıruhayhku, “*dudcitu*” dAloho kırhamhku gımşahlıf hathe.

Aydarbo kırığşıtu bi nafşathku mıdkudcitu dınoşo kırhamhku? Towo kırığşıtu bi nafşathku, latyo hawhka? Kırığşıtu ruhayhku şih-kire? Kibi dıhuşwono dıkito noşo baynothe da qaroye du kıthowano dılıkruhmi ruhayye. Kısonitu u mede dıksaymitu, u heş lo maqbelhku dılwıřhku gıbilto hathto-bıkul zıban camu kıyonathku u catıqo kımqat-litu.

Bıkul zabno dıwalhku rığšo bıřo bınafşayhku, dılırıhmitu u dıcyaqhku mıruhayhku, dılıwalhku renyo mıqqa dilonoyehatu u cayşıtu hawhka, laybohku dırığşıtu hud noşo dilonoyo. U Kıthowo Qadıřo komır, u barnoşo mın dıkito bılebe cali nafşayde hawoyo (Mathle dŞlemın 23:7). Hani kulle, mithe

dıbşarirutho lıkhudnitı u şıroro
dAloho kırhamhku. Mede dilonoyoy
yo dıdcıtu Aloho mıqqa kırhamhku.

Aloho kobıc dıkulyawmo dıwetu
acme. Hanoyo dıgımşahlafhku. İtha
dılmahtıtu Aloho bu dargo qamoy
yo, gımahtıtıle baykanoyutho dılı
kodır soyım u mede dıkobıc dısoyım
laşanayhku. A zabne dilonoye
dıgımaftıtıtu cam Aloho bı hubo
dırhımtıle u dıbetu furso dıhuweste
dırhımhku, gıdmaqwınhku u gıdmırwınhku
bu qınımathku u gawoyo.

İ sagıyutho da noşe hıbanonene
u kımıyatrı dısaymı hawha. İtha
dothe nošo u soyım mıhlofayye
gıdbısamme sagı. *Lı hkılqıtunhku
mafaq bıruho*. Ocdo baynothe da
qaroye dano dılatlın asırutho cam
Aloho, elo hanı docdo dıhulın fusqono
dısaymı hawhka u Şıdo gıdlohış
u gıdmarre, “Elo kıtı fulhono
sagı dısaymıt.”

Kıdcono aydarboyo u medano. U Şido gıhlaqıhku mafaq ruho hıdo bıthre dıhreto. Cam Aloho hıwayu şarire u tılabu mene. *İ meltho dAloho ui asirutho dacme gıdmişahıl-folhku.* Aloho hulelhku u haylo dısaymitu hathe. Favlus komır bi egarthayde da Filifisoye 4:13, “Kul mede kibi acle bu haylo dMşihodıkımhayeli.” Awkith, bi wasita du haylo dYeşoc Mşiholayt mede bu kıyono kule dılaybohku saymitu.

Aloho mıdmahwılelhku qıtro bısurhobo, bıhaylo u zohkutho qumu u şırawule. İtha dıqaymitu u mayditu i hubo dıkıtlelhku Aloho, u maslitu u mamro du Şido dıkıthatu bışe ulıgmanfıcutu lımede, i naq-qayo gımşaritu dımhalhkitu bızhokutho.

Ocdo kowe dımhalhkitu bışoyıth, elo mıdmıhaymanhku dıkıtıkuyono hatho bılebayhku kibohku dımhalhkitu fırişo. Hol dılıqaymitu u dımmıtu, “Tışbuhto lAloho, ıno

dilonoyono. Ino mīqadṣono. Aloho mīnaqīleli. Aloho mīhalīleli bu admo du faro. Hawhka gīmhalaḥkno. Ṣido, līkībēno athno la fawde dīksamno. Aloho kītle haylo dīmtarasli u dīmhālḥkno bu darbaydi. *Huwe gīdmandif a mīdone dīsīmli!*” nuqto līgīmīṣahīlfitu, u līgīmīḥālḥkitu frīṣo.

Ītha dīdcito dAloho kīrhamḥku ayna qatro kibe zohkalḥku? A qat-rani kibīn mīṣroyi. Bani kulle gīd-wetu zakoye.

Kībcitu dīwetu zakoye? Ītha kib-citu hawu funoyo lano: Kībcitu dowe mede dīzīḥketule? Hanoyo u darbo līhudoyo dīqīdritu yurwitu. Ītha lathku qatro u lathku mede dīzīḥketu, carṣonayḥku dī haymonutho bīmīn gīdmīstacīmīlitune?

A qatre dīnufqī līqamuthayḥku mīstacmēlune ḥkud furso dīyur-witu. Īlafu mī hubo dīkītle Aloho laṣanayḥku mīn kibe soyīm! Ītha dīmīsmīḥkitu lAloho, dībetu furso u tīretu dAloho dīrhamḥku, hatuste

dırıhmitule, u kulonoyith tıretu dıbu haylathku saymitu midone i naq-qayo gımtetu lu turo dunyoho.

Mıd bılhude huwhku furso dAloho dırhamhku, hatuste dırıhmitu Aloho gıdkırhkitu hkud ha rawoyo, elo hkud ha rawoyo bi ruho! A şuwole lıgmathri aclayhku, mithe gıdwetu mıhalhkone bi hubo dAloho.

Ino bu zabno dıcamidono bu Ruho Qadıšo, a tılotho şobuce qamoye rawyanwo bi hubo dAloho. A noşe dıhzanwoli ummiwoli, “Mın kıtlıhk? Mışahlaftohat sagi. Joyce, lıkmıtyaqnallıhk.” A noşani bıtır mı tılotho şobuce athen sidi u mışayelın, “Mın hawi ba hayaydıhk?”

Lawi sınıqutho dımahkiyono mede laşan dımıtyaqnili dımşahılfono. Hızanwo dımşahılfono. İtha bi hubo dAloho dımhalhkitu, bıkul zabno gıdwetu gahohke. Gıdwetu şafire. Gıdwalhku haylo u cuşno. Gıdqıdritu dımşamşıtu a noşe,

mithe gidwetu malye bu Ruho Qadišo, a sınıqwothathku min dowın gidkumli.

Lıruhayhku maru, “*Aloho kırhamli*. Halleluya, *Aloho kırhamli!* Ino u nacimayde u ihidoyono. *Aloho kırhamli!*. Ocdo qıbozo rabo di haymonutho qıbazu u mıhaymenu.

Aloho bışroro kırhamhku!

Minaseyu Haye Hathe

Itha hol ocdο limzamanhku M̄ṣi-
ho dowe u Moro u Mahilsonat-
hku, ocdο kımzamnanhku dısay-
mitu hathe. Kibohku mısaletu i
silutho dılaltah u itha mılebayhku
kule şarirehatu gıdwalhku haye
hathe bM̄ṣiho.

*Aloho Abo, kımhaymanno du
Abaydohk Yeşoc M̄ṣiho u mahil-
sono dibrithoyo. Kımhaymanno
dımayıth calu zıqıfo laşani u tıcinle
a hitohaydi kulle. Fıricle u timo da
hitohaydi. Mıdle cal ruhe u gızor
dino dıgşıwenowo. Kımhaymanno
dM̄ṣiho qayım mu mawto u ocdο
yatiwoyo bu yaminaydohk. Sınıqo-
yono elohk M̄ṣiho. Lıhay a hito-
haydi, mahklıslı, tohk laşan dıhoyıt*

bilebi. Mihatho kibacno dimitawladno.

Ocdo mihaymenu dMŕiho kico-yiŕ bilebayhku. Mihasetu, hawitu ŕarire u gıdızohku li malkutho.

Mıqafayu cito tawto dikmilfo i meltho dAloho u miŕareyu dıyurwitu bMŕiho. Dılowalhku idactho cali meltho dAloho mede lıgmiŕahlıf ba hayathku. Yuhanun 8:31-32 hawhka komır: “...en dıfayŕitu bu mamraythi, bıŕoro a talmithaythihatu. Gıdıthcitu u ŕıro, u ŕıro gımhararhku.”

Kıbanhku melko, hıdanu i meltho dAloho u zıracula ba cumqe dılebayhku. Lıfuth 2. Kurintoye 3:18, bu hıyoro dıhayritu bi meltho dAloho gıdmihalfitu li surto dMŕiho.

Kıthawuli egrotho u mawdeculi dımaqbalhku Mŕiho, u tılabu kthobuno dılo zuze dıgmahwelhku

aydarbo gımşaritu ba hayathku a
hathe dıbıMşıho.

Bi hubo,
Joyce

Kathowo

Joyce Meyer, mi şato 1976 kımılfo i meltho dAloho. U mi şato 1980 kul yawmo kımşamşo bi teşmeştö dAloho. Hud qaşıştö bi kınıştö dMissori Life Christian dSt. Louis, mıdabarla kınışyo şabthoyo bu işmo “Haye bi Meltho dAloho”, mışabela u sımıla malfonutho harke. Bıthır me hamış işne Aloho matımle hathe u mışab-löle dımşatsöla teşmeştö tahtu işmo “Haye bi Meltho dAloho A.Ş.”

İ tahrazto du radyo dıkımdabro Joyce, tahtu işmo “Haye bi Meltho dAloho” kımıfrıs b250 nukze du radyo bAmerika. İ tahrazto du fıros hezwo dJoyce “Haye bi Meltho dAloho” dıkıtyo 30 qatınötho u dımşarela bu fıroso bi şato 1993

friso bAmerika kula u ba athra-
wotho nuhkroyeste.

A şewye di malfonuthayda kımışmoci bıbritho. Kımtaybo tur-
gome “Haye bi Meltho dAloho” u
mamle ba citotho u mawhka kıhuz-
qo sagi.

Joyce u gawraytha Dave a mı-
dabrone dHaye bi Meltho dAloho,
31 işne gawirene u kıtte arbco naci-
me. Anarbıco nacımatheste gawire-
ne, u cama nişathe kıfulhi bi teş-
meştathe cam Joyce u Dave. Joyce
u Dave kıyutwi bFenton dıkıtyo i
mthito qaytoyto dSt.Louis bMisso-
uri.

Joyce, kımhayımno di qırayto da
hayayda dımşarro a mıhayımne bi
meltho dAloho. “Mşihö, mayıth
dımharır a gırece. Elo ba haye dıha
Mşihoyo, işmo aw bıhdo naqla lay-
to zohkutho.” Meqım bışne Joyce
mi aykanoyuthathe, mıdla i meltho
dAloho şıbilo ba hayayda u matyo
li hirutho dıcaşö haye bızohekutho.

Nafiyo lu darbo hadırto dımharro a girece.

Joyce, ba kınuşye dısmıla bıkul duktho du athro, u ba herge dıcali sıbutho du hulmono regşonoyo mıcadarla alfayo dınoşe. Zıd me 180 şawye du mamlo mısaglı, u laşan dımcadro bi sıbutho du Fagro dMşıho 33 kıthowe kıthuwla.

“Sanduqo du hulmono Regşonoyo” kıhomıl zıd me 23 şoce dıyulfono bi sıbuthathe. Bu sanduqano dıkıtyo şawyo 90 qatinotho, kito muzıqı u mele mu Kıthowo Qadışo ba rişoyotho “Tuhklono;” “Şufro Mıhlıf u Qatmo;” “Aydarbo Kibohku Zohkitu a Regşathku;” “Mıroro, Tıwirutho u Lo Şobuqo;” “U Ceqoro di Masılyutho;” “Sumsomo du Lebo Tıwıro”.

“Sanduqo du Hawno” dımsagela Joyce, kibe hamşo şawye du mamlo calu hawno. A şawye hanine, “A Qalce Du Hawno u Renyo Qıbıco;” “Hawno du Madıbro;” “U Hawno

du Fagro”; “U Hawno Lihıqo u Karohko”; “Hawno, Femo, Aykanoyutho di Ruho u Hufohko.” Fırışoyith kito bu sanduqano, u kithowo “U Wahdo du Qırobo du Hawno.” Bi sibutho di hubo kıtla tarte şıřlotho da şawye “Hubo....” u “Haylo Haroyo: Hubo.”

Laşan Mabco Mihawyono u idactho aydarbo kibohku mıtetu la şawye dıklızmilhku damtın hulmono la hayathku kithawu lu makıthbo dJoyce Meyer.